

Vyàng roqshú tiqqø à:ngò vyàngré rì dvpát røtnímā we kàru

Ukraine móngdàn nvng sing nø we móng ò dvjà svng èyvng vtòn dvgvp nøngmaq mvsøn nvrøm taq vtang kèní nøt yòl lvm íbøi. Krønmvng gvsa tvrà dang kèní gø àngboq boq vtoq vtip we wáshì bøi. Yadang nvng singnø mònggvn vsvngri shvngbe nøt mvbyo lvm vhøm shì rái. Tiqlvp ò vjú dvpát wa yà:ngì nø mònggvn mòngzøl tvrà svng vtøp we, svre dvkutwe bøn dvzvré lú:ngà.

Røtnímshì mvyø we taq mòngzøl we tvrà ò àngkàngpè íwe gvray kaq dvdám shài nø dvtøp shài. Gvray àngnø mvjàn dvbu:ngò we bvnli svng mvshóng shì. Gvray nø bashà rì dvpát wa mø:í, pvnmvn dvrèrì shvngbe ò àngkàngpè íe. Kàngpè gvray nø àngnvm àngchvngri ò shóngnøtí vzøm we tvrà svng wa shóng wámshì nø tvsvng shvngo vtù kewe bvnli svng mvshóngshì.

Weratnø wedø íwe tvrà taq singwe vsvngri shvngbe kaqsvng dvkám mvyø:ngwe nø móng vsvngri kaq dvtut mvhøt dvzvré we bvnli ídángte svng nvr vdu bøi. Tiqdø vzøm nø mòngzøl dø vlwe móng vsvngri kaq vkang dvzvré we bvnli nø svngpvn vko vkáng, móngdàn Ubvdi rì svng gø vléshì we íe.

Nøngmaq kagø ínì gø Gvray kaq kámwe vsvng, mvkám we vsvngri shvngbe kaqsvng dvtú mvyø:ng wenø Yesu Kristu nø màshvla we tvrà svng shvlawe tvrà í dág lún lvm nvng welòng dvpát jór nvngòn nø vjúøt shìwe nvng vm-aq vnvtsì nø vjúøt dvzaq shì ràwe íe. Tuqrawe March 2 ni kèní, vm-aq vnvtsì nø vjúøt shìràwe rvtø làngcha dvhø weni tiqni vdòng shvngbe nø vm-aq vnvtsì nø mònggvn mòngzøl lvm tvrà dvpát vjúøt dvzaqshì nø rvtø zìshì lvm shvngbe kaq svng røtním shøngnø vrìng vtñe.